



“Macam mana? Setuju?”

Aku merenung wajah Jun yang masih menanti jawapan dengan penuh harapan. Seseekali, dia menggigit bibirnya tanda gelisah. *Ish, comelnya! Kang aku pulak yang gigit kang! Sabar, Mir, sabar...*

“You think your boyfriend will buy it?”

Jun menyandarkan badannya di kerusi. Tangan disilang dan susuk tubuh aku diteliti dari atas ke bawah, seperti meneliti kualiti barang yang sedang hangat di pasaran... cellemek!

“Well, I know I’m convinced,” katanya sambil tersenyum nakal. *Esh, jangan goda-goda, dek! ‘Abang’ dah sedia tergoda nehh...*

“Itu you. Your boyfriend might know better,” balas aku, masih jual mahal. Harga minyak lagikan melonjak, inikan pulak harga manusia. Aku ni lengkap segala organ tau! Kalau jual satu organ, boleh dapat ribu-ribu...

Tapi kalau jual hati? *Ahhh... itu tak ternilai harganya...*

“Kalau dia tau pun...” kata Jun sambil menyilangkan kaki, sekaligus memendekkan lagi skirt yang dah sedia pendek tu... *Perghhh, gebunya! Kalah paha ayam KFC!* Tergugat benteng keimanan aku yang memang tak berapa nak kukuh ni.

*Fokus, Amir... Fokus!*

“Lagi bagus,” sambungnya, “Tercabar sikit kelelakian dia.”

Good point. *Hmm...beauty with brains. I like!*

“Well?” tanya Jun lagi. “Okay tak ni?” nadanya sedikit merengek. *Alalalala...manjanya...*

“I have some ground rules,” tegas aku. Chewah! Macamlah aku ni gigolo yang biasa ditempah.

Gigolo tu tidaklah. I am but a humble player. Kalau dah namanya player, ada satu perkataan yang cukup digeruni - komitmen. Memandangkan apa yang bakal dipersetujui dengan Jun ni adalah satu perjanjian, dan perjanjian tu amat sinonim dengan komitmen...maka aku harus memastikan kaki aku tak tersepit dalam perangkap.

“Name your terms,” Jun mendekatkan wajahnya kepada aku sambil menongkat dagunya yang runcing. Hmm...sepet mata Jun ni. Tak macam mata Leya yang bundar...tak macam mata Raina yang redup. *Takpe...sepet itu menawan!*

“If we go out on dates, I pick the place,” aku menyatakan syarat pertama.

“No hal,” balas Jun serta-merta. *Hehe...kalau aku bawak pergi mamak ke, pasar malam ke...nasib ko lah, Jun!*

“Kalau pergi mana-mana, pakai kereta I. Tapi minyak you tanggung.”

Kali ni dahi Jun berkerut. “Kalau macam tu, baik pakai kereta I je!”

Aku tersenyum sinis. “I pun nak jaga reputasi I jugak. Takkan nak ke hulu ke hilir pakai kereta you? Tak standard la. You nak ke orang cakap yang skandal baru you ni sekadar toy boy?”

“Tapi...”

“Kenapa? Tak biasa naik kereta murah?” perli aku. *Hai Jun...baru syarat kedua dah tak sanggup? Belum dengar syarat ketiga lagi...*

“Bukanlah!” Jun membantah. “Kereta Vios I tu takdelah huduh sangat. Walaupun tak setanding dengan RX8 you tu,” kata aku lagi. *Eleh, semantap mana pun RX8 ko tu, tetap duit mak bapak! Vios ni aku pakai duit sendiri tau!*

“Bukan macam tu lah! Serious, I tak kisah!” kali ni Jun benar-benar membantah.

Aku senyum je. Maintain...

“Third of all,” kali ni mendekati muka aku pula kepada Jun. Aku renung matanya, sehingga muncul rona merah di pipinya yang bukan diakibatkan oleh blusher Revlon-nya tu.

“This is not exclusive.”

“Meaning?”

“Meaning, my dear, I’m allowed to see other people,” aku menjelaskan dengan senyuman senget aku. yang bak kata Fara, bisa buat dia tak tidur malam (tak tau lah aku kalau maksudnya senyuman aku menawan ataupun dia memang ada insomnia).

Kali ni, kekesalan di wajah Jun lebih ketara. “Mana boleh macam tu! Kalau boyfriend I ternampak you berfoya-foya dengan girl lain, malu lah I,” Jun mencebik bibirnya yang ala Drew Barrymore tu.

*Heh! Sorry aa...kontrak belum sign, merajuk-merajuk ni aku tak layan!*

“Your boyfriend and I don’t run in the same circle. Lagipun tu pandai-pandai I lah...you tak payah nak risau,” aku cuba meyakinkan, namun wajah Jun masih teragak-agak.

*Takpe Jun, bersusah-susah dulu, bersenang-senang kemudian. Aku layan ko macam tuan puteri nanti... Tengoklah...*

“Jadi, I pun boleh date orang lain lah kalau macam tu,” dia menguji.

Aku mengangkat bahu. “Terserah,” balas aku, ringkas.  
*Bagi aku seminggu je, Jun... ko takkan terbayang pun orang lain dah lepas tu...*

“So? You’re in?” kali ini giliran aku pula menunggu jawapan daripada Jun.

Jun memandang aku dengan matanya yang menawan. Kemudian dengan senyuman yang manis, dia berkata, “Yep! I’m in!”

Dan bermulalah satu episod baru dalam hidup aku. Episod yang aku sangkakan sama seperti episod-episod aku sebelum ni. Bersama Leya, Raina, Fara, Sharon dan ramai lagi...

Siapa sangka episod kali ni jauh berbeza... dan perjalanan hidup aku bakal berubah landasannya...



*Lebih kurang sebulan yang lalu...*

Ringtone *Beautiful Girl* bergema di pagi Ahad tu sebaik aku selesai memasak scrambled eggs di apartment aku. Di skrin Nokia N93 tertera nama PHSM (singkatan untuk Pontianak Harum Sundal Malam).

*Apehal pulak minah ni telefon aku pepagi buta ni? Setahu aku kerja Urban Fest tu lagi dua minggu, photo-shoot seminggu sebelum. Awal lagi untuk minah ni mengganggu hidup aku.*

“Ye Maya,” aku menjawab dengan suara yang sengaja ditambah-tambah nada keletihannya.

“You’re fired!”

“What the f...?” aku terkejut berbaur marah. *Dah la mengganggu ketenteraman aku di pagi hari, bagi pulak berita buruk, siapa tak panas?*

“What do you mean I’m fired?” aku bertanya sambil menuang jus oren ke dalam gelas.

“Well, that’s what you get for fooling around with one of the models.”

“Fool around? Jangan merepek la, Maya. The only eye contact I made with any of the models is through my camera lense!” aku mempertahankan diri, sambil minda aku mengulang-tayang sesi pre-shoot tiga hari lepas...

Maya telefon aku sehari sebelum tu, nak book aku jadik photographer Urban Fest sempena Asian Fashion Show. Aku set je. Mana pernah aku tolak keje ngan Maya.

Maya seorang event manager yang sepatutnya berdiri di atas pentas dan bukan di belakang. Cantik, bergaya, anggun. Pendek kata kalau dia berdiri dengan model-model tu, memang boleh blend in dengan amat mudahnya.

Itu tanggapan pertama aku lah. Lepas dah kenal, Ya Allah, garangnya mak aii! Hilang segala kecantikan dek kerana muka ketat tu, lagi pulak masa dia tengah stress hampir 24 jam dalam sehari hidup dia. Masa tidur pun aku rasa minah ni stress jugak. Tulah susahnyanya kalau dah terlebih dedikasi sebab obses sangat dengan karier.

Aku mula-mula jumpa Maya semasa bekerja dengan majalah *Whoa* dulu. Masa tu aku belum jadi freelance photographer. Baru balik dari Germany dan dapat kerja tetap kat situ sebab editornya bekas skandal ayah aku. Majalah tu majalah remaja, jadi kerja aku merangkumi aktiviti dari extreme sports sehinggalah arena fesyen terkini. Ada sekali tu aku kena cover pertunjukan fesyen amal di Johor Bahru, dan di situlah aku bertemu dengan Maya. Asalnya Maya ni memang tak boleh klik ngan aku.

Aku tak tahu la pasal apa dia anti sangat ngan aku. Tapi lepas tengok hasil kerja aku yang berkualiti, dia terus bagi name card dia pada aku tanpa segan-silu, "Call me when you become freelance."

*Eleh...nak ngorat aku cakap je la. Bagi-bagi card pulak. Cehhh...*

Oh ye...berbalik kepada tohmahan terhadap aku. Seingat aku masa pre-shoot hari tu, ada lah dalam 6 ke 8 model. Dan aku dah menjalankan kerja aku dengan penuh profesional. Siapa yang...

*Oh no! Dia ke? Apa nama dia ek...Diana? Dania? Something like that...*

"Oh man... ni mesti pasal Diana ni," aku mengeluh dengan kuat.

"Diyaz."

"Huh?"

"Her name's Diyas! For God's sake Amir, kot ye pun nak fool around, at least get her name right!"

"Whatever... look, Maya... I honestly didn't fool around with her, okay? She came on to me, I tolak! Ni kes dengki namanya." Walaupun aku banyak kali je tipu sunat ngan Maya ni, tapi kali ni memang aku cakap betul.

"Yeah, right!"

"Maya, you kenal I dah lama, kan? You know I don't mix business with pleasure," aku memberi alasan kukuh. *Kalau tak, dah lama aku ngorat ko...*

"That's true," jawab Maya dengan nada suaranya yang kini perlahan. *Alamak, jangan lah daripada mode garang terus tukar mode lemah-lembut. Cair aku dibuatnya.*

"And you know models are not my taste. Too skinny," tambah aku lagi, tersenyum sendiri. Aku cuba membayangkan Maya juga tersenyum di hujung talian. Senyum dia yang macam nak tak nak senyum tu.

“Well, the damage is done. I have to fire you anyway.”

“What?!”

“I’m sorry, Mir. Tapi designer tu memang nak Diyaz as one of the models. She has the right figure for most of the clothes. I can afford to lose you, but not her. Diyaz ni sungguh-sungguh kata tak nak kerja kalau you ada, so my hands are tied,” jelas Maya.

“Damn it! I am really depending on this job.” Kerja dengan Maya selalunya bayaran lumayan, sebab syarikat Maya ni agak high-profile. Nampaknya laptop idaman tu masih belum mampu menjadi milik aku...*Argh!*

“If you want, I can get you another job.”

“Seriously?”

“Sure. I tak offer kat you sebab I tau you tak suka event macam ni. Tapi, bunyinya macam you tengah desperate.”  
*Sempat lagi ngutuk aku tu.*

“Oh no...don’t tell me it’s a college thing,” aku meneka. Aku lemah sikit kalau acara-acara kolej ni. Bukan apa, kang alih-alih bukannya aku amik gambar event tu, tapi amik gambar bebudak ni dok tengah posing! Aduh...tak larat aku nak melayan.

“It’s a college carnival actually,” jawab Maya. Lagilah teruk! Bebudak hyper sebab makan macam-macam jadah yang manisnya tak tentu hala! *Parah, parah...*

“Macam mana pulak company you yang kena cover college carnival ni? Selalunya bukan budak-budak kolej tu uruskan sendiri?”

“Hai, kolej swasta...bebudaknya banyak duit, I mean, mak bapak diorang banyak duit. They wanna enjoy the carnival, not manage it.”

“So basically you’re handing over a bunch of spoilt brats to me?”

“Do you want the job or not?” *Eh eh...Garangnye....*

Aku berfikir sejenak. Bayangan laptop idaman tu bermain-main di depan mata ...*Ah, just suck it up, Amir!*

“Fine, but you owe me big time.”

“Excuse me? Apasal I pulak? You owe me!” balas Maya. “Plus, this time you can fool around with any of the college chicks if you want, and you won’t get fired,” dia mengejek.

“You nak I mengorot budak-budak hingusan tu?”

“My dear, I never care who you date...asalkan you tak kacau hidup I,” jawab Maya sebelum meletak telefon.

*Heh, takde maknanye! Tak sanggup aku nak melayan kerenah budak-budak!*

Dan di karnival itulah, kali pertama aku bertemu dengan Jun...



“Err...can you please take our picture?”

*Apa ‘Err... err... ?’ Panggil ‘Abang’ la! Sekali aku sekeh kang!*

Hish, diorang ingat aku personal photographer diorang agaknya. Suruh amik gambar diorang posing sana-sini. Kalau lawa takpe gak! Ini bedak je bertepek 14 inci.

Hati aku menggerutu je sepanjang karnival tu. Seperti yang dijangka, lebih daripada separuh syot aku dipenuhi dengan gambar bebudak ni. Aku nak amik gambar candid pun, ada je yang enterframe. Kalau pandai buat-buat natural satu hal la, ini memang muka senyum tampal. Nak je aku sound, “Dik, audition iklan ubat gigi bukan kat sini.”



Tapi faham ke diorang apa itu sarcasm? Aku rasa tak. Mungkin diorang akan anggap tu pujian. Maka perlukah aku sound direct je? Sampai ke telinga Maya kang aku gak yang kena. Bukanlah aku takut sangat dengan Maya, tapi sebab dia, tak lama lagi laptop idaman bakal berada di pangkuan aku, takleh la nak buat hal.

Nak buat-buat snap tapi sebenarnya tak ambik syot pun takleh. Menyusahkan jugak rupanya era digital ni. Lepas je aku ambik gambar, diorang ni sibuk-sibuk nak tengok gambar yang aku dah tangkap tu. Takut gamaknya, dalam gambar tetiba hidung jadik rompong ke, mata Utara-Selatan ke. Lepas dah rasa diri tu habis cun tak hengat, barulah diorang lepaskan aku dari cengkaman maut diorang.

*Argh! Tekanan!*

Lepas aku ambik gambar lima orang budak pompuan yang aku yakin merasakan diri diorang Spice Girls alaf baru (diorang ni sempat kenal ke Spice Girls tu siapa?), aku cepat-cepat melarikan diri ke satu sudut. Dari situ aku dapat lihat pemandangan karnival tu dengan lebih jelas. Sebenarnya meriah jugak karnival ni. Banyak syot-syot menarik yang aku boleh ambik.

Baru je nak ambik gambar seorang budak comel yang tengah melahap cotton candy seolah-olah tu makanan ruji dia, terdengar satu suara menegur aku.

“Amir...?”

*Uik? Suara lelaki!* Aku cemas sikit kalau suara lelaki ni, semenjak kes kena bambu dengan ex-boyfriend Sharon dulu (lu yang tak pandai jaga awek. Bila awek lu lari kat gua, marah gua plak apehal!)

Tapi suara ni, macam pernah dengar...

Perlahan-lahan aku berpaling. Seorang mamat berkulit hitam manis sedang tersengih sambil memandang aku.

“Black!” sahut aku.

“Uish! Nama lama tu janganlah diungkit kembali,” jawab Black, masih tersenyum.

Aku tertawa sambil bersalam dengannya. Black ni member aku masa zaman sekolah menengah dulu. Nama sebenar: Naqiuddin. Apsal panggil Black? Korang ingat sebab warna kulit dia ek? Ish, ish, ish...tak baiknye korang ni...keh keh. Al-kisahnyanya, Black ni dulu pernah kena blacklist dengan cikgu disiplin sebab suka ponteng kelas. Jadi, dari situlah wujudnya gelaran Black.

“Macho ape,” aku mempertahankan gelaran zaman sekolahnya tu.

“Macho bukan pada nama, beb,” katanya sambil tersenyum sinis.

Hoho, sindirankah itu?

“Apa ko buat sini? Lepas ko gi Germany, terus lost contact,” matanya memerhati aku dengan teliti. “Ko ni... cenggini lagi ek?”

“Is that supposed to be a compliment? Come on, Black... takkan takde perubahan sikit pun. Penat-penat aku merantau jauh, balik-balik ko kata sama je. Ceh.”

Black gelak. “Okaylah, okaylah...makin macho lah... kot,” Black membalas.

Macam tak ikhlas je...

“Aku buat freelance skang,” aku menjawab sambil menunjuk kamera yang sedang aku pegang.

“I see, I see...so, living your dream lah now?” Black tahu, dari zaman sekolah lagi aku memang minat seni fotografi ni.

“Lebih kuranglah. Ko lak amacam?”

“Aku ngajar kat sini. Part-time.”

“Hoh! Cikgu Naqiuddin! Ko ngajar ape kat budak-budak ni? Cara-cara efektif memonteng kelas?”

“Kurang hasam ko! Aku ajar English la!”

“Part-time je?” Menengokkan jam tangan Tag Heuer di pergelangan tangannya, mustahil itu je sumber pendapatan dia.

“Ha’ah. Ada lah buat bisnes sikit-sikit,” jawab Black, merendah diri.

Piirah! Bisnes sikit-sikit konon! Kasut Adidas ko tu tak nampak macam ciplak pun, Black! Kalau tak silap aku, special edition tu. Bukan calang-calang orang ada.

“Bini mana? Ke sebab nak berpoya-poya ngan student, tak bawak bini sekali?”

“Mana ada! Single and ready to mingle nih.”

*Tak kahwin lagi Black ni rupanya.* “Bebudak ni tak pernah cuba gorat ko ke?”

“Aaaaa...tapi sekadar nak pass exam la.”

“Sungguh ke?”

“Sungguh la,” jawab Black beriya-iya. *Fuh, scandalous!*

“Lauk free la ko?” tanya aku lagi. *Topik menarik nih...*

“Lauk, nasik, sayur, semua dapat! Hidangan sepinggan lengkap!” jawabnya, kali ni dengan nada bergurau.

“Tak beretika siot,” aku mengkritik penuh sahsiah... chewah!

“Ah...etika, tak etika! Rezeki jangan ditolak...”

“Bala jangan dicari! Kantoi kang tak pasal kena buang keje.”

“Pandai makan, pandai la simpan,” balas Black sambil mengangkat-angkat kening ala Ziana Zain.

“Giler la budak-budak ni. English je pun.”

“English la yang wajib lulus, beb. Tu yang jadik desperate tu,” jelas Black.

“Bukan diorang ni semua terer speaking ke?”

“Heh! Grammar tunggang-langgang! Naik migraine aku bila mark paper. Mujur la part-time je,” Black kaw-kaw kutuk student dia sendiri. Aku gelak je.

“Nasib baik jumpa ko kat sini weh. Kalau tak, mati akal aku,” kata aku sambil kitorang jalan-jalan di sekitar karnival.

“Apehal nak mati akal pulak? Cuci mata la.”

“Cuci mata hapenye? Student ko takde yang cun pun,” komen aku dengan lasernya.

“Radar ko tak berfungsi nih. 2 o'clock kasi tengok,” Black memberi arahan.

Aku berpaling dengan gaya selamba ke arah yang Black sebutkan...

Ternyata radar Black berfungsi dengan baik (eleh, tak aci! Dia cikgu kat sini). Di sudut meja-meja dan kerusi-kerusi lipat diletakkan untuk orang ramai menikmati makanan ringan, mata aku terus terpandang seorang gadis berseluar tiga suku berbaju baby-T, yang sedang duduk menikmati hot dog dengan penuh ayunya. Rambutnya yang lurus dan panjang diikat satu dan dikeluarkan melalui lubang belakang topi. Ringkas, tapi menarik.

Dia ditemani dua orang sidekicks. Ternyata dia queen bee dalam geng tu, sebab dia yang paling menyerlah. Mungkin kawannya yang dua orang tu sengaja dipilih menjadi sidekicks supaya tak mencuri perhatian daripadanya. Dinamiks klik remaja yang tipikal.

“Not bad, yang tu ko tak pernah merasa ke, Black?”

“Unfortunately, no. Yang ni English memang power,” jawab Black dengan nada kesal dibuat-buat.

“Aiseyman...rugilah ko, Black”

“Tulah pasal!”

Aku ketawa, tapi mata masih memerhatikan gadis tu. Makin dipandang, makin menariklah pulak. Gayanya bersahaja, tapi ada sesuatu tentang cara dia membawa diri yang memberitahu aku bahawa dia memang gadis dari kelas atasan. Mungkin, ketika rakan-rakannya yang lain sibuk ke

pusat tuisyen waktu sekolah rendah dulu, dia ke finishing school untuk belajar cara-cara menjadi proper lady.

“Sebenarnya kan, aku perasan dia tengah usha ko tadi,” Black dengan tak semena-mena memberikan informasi berharga.

“Biar benar ko, Black”

“Iye! Situasinya macam ni, aku dok usha dia, pastu perasan yang dia asyik dok usha someone. Bila aku tengok siapa yang dia dok usha, rupa-rupanya ko! Tu yang aku perasan ko ada kat sini tu,” jelas Black dengan panjang-lebar.

Aku cuma mengangguk tanda faham, mata aku masih tak lekang memandangnya.

Tiba-tiba matanya bertentang dengan mata aku. Seperti biasa, aku tak mengalihkan pandangan. Sebaliknya mengangkat kening dan senyum, menjemputnya untuk mengenali aku dengan lebih dekat.

Si gadis tersipu-sipu sambil membalas senyuman aku. *Ahhh, manisnya...*

“Pendidikan jarak jauh nampak,” Black mengusik, sekaligus menghentikan perang pandang-pandang, jeling-jeling antara aku dan si dia.

*Ceit, Black tengah perhati rupanya...*

Hari tu, sebagai seorang sahabat yang prihatin, aku telah bertukar nombor dengan Cikgu Naquiuddin. Senang nak contact kalau aku nak melawat dia kat sekolah dia ni. Senang nak berhubung kalau sekolah dia ni ada apa-apa event lagi...

Senang nak terserempak dengan awek tu lagi.

Tapi, tanpa diduga...awek tu yang mendapatkan nombor aku daripada Cikgu Naquiuddin kesayangan dia. Dua hari kemudian, satu suara manja kedengaran di hujung talian sebaik aku mengangkat Nokia N93 aku....